

白鶴山房詩鈔

白鶴山房詩鈔卷七

歸安葉紹本仁甫

古今體詩四十九首

題家萇園太史

申薌

二樂圖

靈威洞古藏萬帙中山流涵盈千日世間快意那易逢飲酒讀  
書吾事畢吾家宗望數阿連懷中舊握談遷筆百城坐擁氣何  
豪三爵徐傾態彌佚黎光下照中壘編麴友常來太白室漢書  
下酒信奇事那用長筵羅旨栗今君綰綬出金門洱海蒼山瞻  
翠嶽撐腸挂腹五車書會與酒爭芒角出活國還期半部全飲  
醇佇沃千塍密與君把盞語皇初執器西行夢丹漆  
三世翰林詩爲奎芝圃庶常耀作並呈樹琴師  
寶幢長白雄天東日星瑞合光墮墮

真人膺命定四海矯矯羣彥俱從

龍鱗書鱸篆

文運啓璧奎宿照承明宮異才傑士競雲集方駕班馬超嚴終  
作人化洽二百載猗與治跨虞周隆先生家世本蘭錡七貂華  
望金張同文莊蔚起振前軌棣鄂花放繁春風五典南宮領詞  
院黼黻

帝治成龐鴻歲寒介節更無比一心事

主惟孤忠滋培澤厚世益大先生嗣武九超宗早年拾芥歷冰  
署珠垣曜映文昌紅西清入直望更峻光依

日月彤雲濃淋漓大筆邁燕許飛騰章草齊張鍾白圭振鷺矢  
清尚丹誠爲

國真忘躬春波汪洋澤及物義方著訓彌雍容奇祥果見洽家

衡韋慢况復經畚通鳳毛麟角盡奇器瑤林玉樹紛蔥龍述道  
昆季皆杞梓仲夏先伯騰雲馳

丹毫親簡荷

特達

詔以吉語宣諸公公拜稽首抃且舞

聖恩疇獲同蒼穹鑾坡父子世亦有疇能三葉依方蓬  
羅盧八族應同感佳話閭里懼嬰童我忝執經立程雪後堂  
仍許彭宣從熟聞庭誨紹先烈千尋喬木盤根雄從茲蟬冕  
衍靡極入門青紫盈房櫳槐堂僂指坐調鼎伊巫德業尤光  
融唐家世系應作表雲搏水擊閭爭充

熙朝隆運邁往古卽此世德誰追蹤  
臺還爲一人慶羣輔建福方無窮

題彌甥錢小能司儀普漢小照四首

聽竹圖同法梧門祭酒作

秋色遽如許秋風相與清蕭蕭數叢竹時和澗泉鳴獨客正無  
寐高懷此際生風篁江嶺路記取萬竿笙

棧邨踏雪圖和蔡浣霞儀部鑾揚韻

寒雲屯空岑山意冷茅屋何人策杖行疎香發古木蛟蟠老榦  
矯雀啁芳心足鐵石生我腸幽意不可掬餘霏尙霏林歸夢鶴  
同宿

深柳讀書圖和楊鏡帆舍人鎮源韻

萬綠鬱成陰蒼茫硯戶深清風吹岸幘涼意澹鳴琴掩卷得幽  
趣抗懷多古心茗谿最佳處舊隱憶招尋

西湖泛月圖

秋煙羃重湖水月露圓相一棹劃輕波與月爲下上魚鳥夢正  
酣誰發采菱唱忽然蒼山影壓斷半陂浪

梧門先生詩龕簞石圖

我謁詩龕今十載於今始識詩龕圖周環碧綠四交翳麻衣皴  
拓奇礪俱籊龍掉尾螭隱脊溼雲冷翠侵人膚縱橫碎金墮晴  
晝彈窩穿漏苔斑巖巒枝冶舞笑顏笑蟬殼瘦寫臞仙臞便娟  
翠袖自斌媚匹以幽士真介如龕中詩老本尊宿意超淨界承  
衣珠以慧眼觀盡真諦妙明心映雙跣趺參差響叶萬竿籟  
確句壓千花跼竹香石氣自吐納槎牙肺腑生清虛我昔茗南  
侶耕牧數峯青峭藤枝扶檀欒徑密撥蒼靄玲瓏洞古探奇書  
科頭嘯詠坐終日亦與此景無差殊自官承明踏朝鼓軟紅十  
丈東華趨綠雲萬點拂蒼玉客夢久已迷江湖公今卜築依

宸居挂冠早返松風廬西涯水石証夙果飽實况翥丹山雛一  
重一掩心鬱紆眼明見此蒼筤株蓬萊之山斲削簾金華羊羣  
從兩獮期公晨夕相娛娛湘波割簾青琢瑜篆烟半炷香有無  
乞公一語參圓蒲

金淑人刲腕孝行詩

慈烏善返哺棲息高樹枝亦有紫鵷儔采羽翩來儀珠松耀首  
飾蘭結施珈笄得升君子堂櫻悅何愉怡蘭脩奉甘滑鞠臙進  
漿匱備得君舅歡榆景常熙熙亡何翁夢豎拂經箬頤頤氣痞  
不得食葑石無所施夫人抱深戚涕泗紛漣而有親不能活曷  
以婦職爲所天况沈綿淒越難嘗糜傍徨四顧起切切中腸悲  
妾心若銜闕翁命如懸絲稽首額蒼穹爲計無復之解我金錯  
刀捲我紫羅襖剝膚共茹痛啗指同瘡痍青藺蘇刀匕亦箴調

鼎鼐含淚奉鮑顏翁嗜甘如飴支蘭入腸氣頓起白骨羸僮奴  
盡咋舌戚仰威嗟咨豈飲帝臺漿豈餐墉城芝至誠默感應天  
意重秉彝吾聞古純孝魏史傳牙綏胡迺閭閻至性能如斯  
懿徽比髮截奇行喻面勢昭然協珩琚芳躅疇堪追湖湘有才  
子譽擅微雲詞示我剗腕篇德象驚女師江鯉躍舍外乳姑忘  
其兒請編石室畧煒我彤管詩

平定孫敏齋德行詩

我昔游上艾太行何厓屨蒼嵐四圍合雲氣生裳衣灑灑桃川  
波曲折依巖崖其地險以固其民淳不漓誦絃徹里塾儒雅追  
風詩山樞與蟋蟀如詠唐魏遺孫君負奇尙蘭雪惇天彝讀書  
能植行翬翬志勿衰置田若善明貸穀似義僖講堂新冠山濟  
濟列弁韋孝行尤所敦譽究義弗違坐是諸善行餘慶流本枝



鬱鬱聰明臺，將將後隆基。福乃及世嗣，策名榮冠綏。三槐植于庭，升卿字其兒。我忝金匱職，彰瘡實所司。他年獨行傳，徵此質直詞。

自題白鶴山房初藁後

自攜長笛傍菰蘆，身是煙波一釣徒。霄水胥湖來往熟，導人雙槳有飛鳬。

下溪田無一稜斜，天隨生計慣浮家。弁山雲與滄江月，照見星星水上槎。

淒清皋廡不堪言，結得團焦自灌園。破屋西風吟徹曉，不知塵境有高軒。

東莊地僻少人過，兩版門深隱薜蘿。不是飢驅催客出手栽，梧子定成柯。

擁鼻誰爲洛下吟  
欒桐尙喜遇知音  
春風亭長先生雲間叟述

先生珍重當年說士心

喧寂何妨出處歧  
廿年蹤跡曉雲知  
風花猶幸都留影  
不用恒河照鬢絲

賀王子卿同年澤新除察院用黃左田宮庶韻

十載才華重玉清  
一官柱後應星精  
銅章受事好勤職  
白簡治書多令名  
干莫自爲當世用  
歸昌端向

聖朝鳴講筵  
趨直仍言路  
記取風裁識裏行

子卿以詩見答再疊前韻

西掖南牀望最清  
底須鉛槧話研精  
受

恩孰是易言報  
入世難期不朽名  
離俗要看鸞鵠振  
違山猶聽

蟋蟀鳴土坡  
莫厭迂迴陟坦坦  
天衢按轡行

覺生寺大鐘歌用沈歸愚尙書韻

蒲牢夜吼驚天龍寶樓高覆赭雲紅脩羅神力作奇變鉅器下  
鎮潛奸凶范陽地本據雄勝分茅驪土周宗同胡然王氣起端  
禮薊邱不守桐圭封半邊月兒果薄相猛簾頓啞咸陽鐘金川  
門啓大事去露盤十丈移青銅高飛驚燕信難逐忠臣有志齊  
膏鋒霄埽殺氣自塲黷阿鼻幽闇悲磨春是何奸髡號病虎早  
臥北固吟魚蟲傳王弗憶高帝託卻助暴主鋤羣忠彌天惡業  
正難數藥叉羅刹魔重重秣陵神識坐移鼎枉豎拂子譚虛空  
承天黃瓦易已徧復事金地標禪宗此鐘趙趙八萬石飛廉煽  
炭來雲中眠蠶細字神咒刻樂于銑甬龍文從將祈禱福懺諸  
孽儼彼法鼓聲隆隆萬壽樓高蟠鐵紐朝撞暮擊驚愚蒙居然  
奇製邁往古自詡智力驕天工豈知興廢一彈指四輪飄忽隨

罡風金椎玉鏡破羣盜劫火誰認兜羅宮此時鐘亦困淪棄草  
閒但聽螭鳴胸幸逢

聖代滌荒穢蠡旗戡亂芟蒿蓬長陵坏土竟無恙

天恩絃覆巍巍功象王琳宇奉

特勅覺生奧旨振瞽聵此物移置亦何幸簷牙高齧神霄雄虹

梁丹棋照日月路人瞻禮瞻禮奇蹤

天章炳煥倬雲漢儀鸞曾禮桑童童宵碑聳峙肅樞拜唐虞盛  
治欽時雍行看億禩奠法界昭和九乳同希逢

贈左田庶子用扇頭題石田畫原韻

誰能晚境如食蔗身躡飛霞臥雲榭風流文采謫仙人今日才  
名數江夏跋浪修鱗孰控搏摩天逸翮誰禁架宵練鋒稜辟灌  
纔秋藥乃鄂紛敷乍芝苑蓬山信步登石渠延閣簪毫暇千鈞

汾鼎陋蠅鳴一片韓陵驢嘶洞案頻陪扶荔宮輜軒每憩甘棠舍盛名到手孰能辭恩禮從

天難自卸靈均衣製憶荷芰平子田園賦枳柘舉臂真從若士游攬身真欲安期跨早知澹泊厭紛囂豈有光華慕儀迓白社從畱出世緣青山須判當前價縱橫林影自樛櫛啁哳禽言似嘲罵大堤遙認柳將髡小圃閒看李初嫁年華轉轂任相催世事搏沙休便詫潑墨欣畱餘瀋濃絃琴愛聽繁聲罷期君早晚踏蒼崖蒼印千重雙不借

左田以前韻見答再疊奉柬

君才雄快喻射蔗天籟虛徐振樊榭我慙必啣但鳴秋不比鏗旬能奏夏對門藤瓦恰交簷隔院瓜棚正除架漸于蜜醴意何殷報以瓊瑤貺非乍每懷夜直紫微忙難得旬休曲江暇蝸廬

且愛樹婆娑雁塞聊辭騎歐歌詩壇旗鼓角兩甄文陣旌旆遊  
三舍壘廟屈賈氣寧降灰撥陰何肩莫卸逸思期寧北渚蘭庾  
詞恥學南山柘知君風峪碣曾摩憶我虹橋板曾跨非無石室  
動謳吟亦有山靈快趨逐浮屠三宿祇成因卞氏連城從品價  
已偕漚鳥機善忘敢學山膏性徒歸幼興終是慕煙霞向子何  
當畢婚嫁鷄鵠鐘鼓享真慙鷓鴣葦荻棲莫詫綠櫨影暗暑全  
消白袷涼生雨初罷一枝飲啄且安便休說上林全樹借

左田再和拙作三疊前韻奉柬

平生狂態竿舞蔗樗庸那上凌雲榭卻因閒職免參農聊比山  
僧清結夏對酒頻傾竹葉盃招涼愛葺松毛架舊夢風燈彈指  
非新懷水石關心乍繭絲束縛莫相縈蟻磨推排差得暇江岸  
奚由聽懊惱灞橋苦憶驅歐歌快逢汝水挹春波何幸鮒陽得

比舍俊語真教鄙盡消清談不覺愁俱卸探奇難字辨桃萊博  
物方言識按柘磊落襟從漢上題激昂吟欲秦中跨多生結習  
自牽纏往古精靈孰迎迓久從塵海學仙頑豈向市闌知婢價  
得句應教元九知閉門肯效劉四罵軼羣腰裏本難羈守素娉  
婷寧不嫁燕朝蝠夕豈相唾鳧短鵠長奚足詫消晝惟餘攤飯  
能吟秋最記觀潮罷張南周北好相於如椽巨筆從君借

左田三和拙作四疊前韻奉柬

君官雖榮心飲蔗竹簟暑風詠高榭興來著手便成春灑去霜  
毫渾染夏隨風珠玉落九天挂腹縹緗羅萬架自在華嚴湧現  
多倒流峽水翻騰乍十盪十決銳且雄三出三人整以暇左文  
廿八莫書斌籀字九千應補政駢詞遮莫近俳優吏課何當輸  
給舍途長駿足騁彌奇風利螺帆挂誰卸篋啓真藏智慧珠花

開信有文章  
柘古調千秋孰  
頡頏高材一代誰  
凌跨壁牋那厭  
鉢頻敲倒屣何嫌  
門屢迂閒寫應聯  
鳬渚盟傳鈔定貴  
雞林價任教還往  
侍童疲不畏俾倪  
從騎罵弭兵有術  
將行成制勝無謀  
思出嫁伎倆寧同  
狡獪看生活奚須  
冷淡詫雲龍東野  
任相隨海蜃立之  
難自罷一樽且復  
中聖賢杯槃莫哂  
鄰家借

玲瓏山館小集柬同人作五疊前韻

芳鮮未得羅蕉蕉聊喜蕭齋似山榭  
盍簪風物卻宜秋抱甕甘醪剛過夏  
淮南叢桂悵難攀澤畔幽蘭思欲架  
讐方校石周朗僧鳴琴舉觴陸瑜乍  
帷筵畫省盡豪雄藜閣蘭臺正清暇  
索耶味好莫訛桑絮瘳詞拈爭叶歐  
閒官差愛遠風塵曹事何煩趨寺舍  
餘炎猶在扇難捐苛禮從刪巾可卸  
浙河煙水憶菰蘆江表文章記荏苒  
魯恭馴雉聽舊歌

浣雲會仕吾浙爲循吏

桓典花驄豔新



跨子卿初拜臺官林人都爲嵇向交徑開似有羊求迓雙峯翮化孰抗  
行片紙龍眠疇索價適性惟看捉麈譚忘形詎便褰衣罵玉山  
燕集圖可傳石鼎吟成名莫嫁貫月思乘五泄游聚星寧便一  
堂詫長城相向陣彌堅強弩頻彎意難罷壺觴莫厭往還頻僂  
指銀臺策長借

琴柯伯兄移居虎坊橋街作六疊前韻

江鄉夢繞湖田蔗那得臨溪結深榭九衢何處塢藏春十笏居  
然屋擬夏共來人海寄稊米豈有朱門誇戟架紫陌銅街轉徙  
頻筆牀茶竈安排乍柏影西臺暑屢移梨花左掖吟還暇鶴立  
寧爲語勃谿鸞鳴詎屑聲歐歐卜鄰幾歲傍南坊僦宅今番近  
西舍不繫虛舟岸可牽無多家具車從卸未嫌市閭聽葫蘆尙  
愛庭閒種榆柘雨夜還便對榻眠風聲頗憶重樓跨星霜歷歷

記年華軒蓋紛紛閱年久從廉石傳硯材豈向江東問米價  
牽牛猶恐盜者慙策馬寧教馭人罵皓光正對素娥升佳夕早  
過織女嫁琴亭書庫且粗完全谷銅陵莫驚詫環堦蓺草底須  
除鍵戶著書難自罷石芝共食好相期壺中歲月從堪借

壬申中秋前二日招吳槐江制府茹古香閣部曹雲浦中  
丞何純齋侍讀偕家伯兄琴柯全集玲瓏山館七疊前

韻

火雲未退暑餘蔗安得松濤聽虛榭偶邀輿蓋駐荒廬敢信茅  
茨涼大夏徑仄難容露憶車窗明聊整陳書架奕奕星文照座  
多離離虹氣迎門乍

秋猶天高正合圖朝參政簡還餘暇評書六體辨磔波選韻雙  
聲識歎歎太邱家世托通門白傳池亭連隔舍桂海驂鸞錄久

成范石湖帥粵著

蘆臺畫鹿轡初卸

雲浦中丞奉使初還

忘年談笑合槐榆

話舊年光迅檀栢文章中禁共傾倒勲業雲臺孰跨水閣真

邀坡老遊草堂最辛嚴公迂樂霧爭披信罕逢鷹門得御原增

價慙予史職困編摩常恐俳詞致譏罵丹山曾訪鯉仙居碧水

猶傳螺女嫁輶車往復漫相誇蠹冊鑽研還自詫銀槎噓噓飲

休停玉屑霏霏譚未罷莫嫌犀首日無何絕勝旌旄遮道借

蔡生甫前輩補官侍讀復充日講官詩以志喜仍用賀子

卿侍御原韻

鈴索深嚴紫禁清筆花况擅太湖精舉朝誰似崔琳雅

聖主終知蘇軾名仗內香從銅鶴熱殿中珮拂玉螭鳴老成望

白頭廳重莫說團團逐磨行

贈浣霞

神人居姑射皎然冰雪姿獨鶴聲九臯弗屑鸞皇儀之子抱奇  
質紉芷襲江離探懷天地初鏤月裁雲絲吐納皆沆瀣清氣生  
肝脾雍容禮曹郎不競復不隨退直輒耽吟等身多文詞湛湛  
鵲湖水演漾三州湄空明鏡羣象君詩乃似之青松願結盟落  
落志不移愧無漢陂詠曷以承蘭芝

和子卿題畫之作

摩詰本詩老三絕兼畫書邱壑落胷中雲樹深盤挈橫墨擬千  
仞價重縑百車造化爲我師顛掣乃其餘與子結比鄰清漳夾  
宅居染我案頭簞寶蓄抵魯璵復示題畫篇三復實起予平生  
嗜煙嵐佳境每踟躇白雲滌柴關安得此築廬蔣侯三徑賢往  
復妙語攄試與參畫禪翠竹皆如如

題子卿看花懷人圖卽用其韻

疎影橫空香在紙高寒欲喚幽人起  
三夏月墮天蒼茫一段相思冷雲裏  
摩挲老幹枝折旋古寺忽聽鐘聲傳  
蓬萊侍臣玉堂客對此宜夢瑤臺仙  
此圖閱今幾經年觀河皺面猶依然  
初平子喬本故侶相遇合証三生緣  
塔鈴無語雲堂靜獨鶴空庭自淒冷  
江天欲雪未雪時此意詩人憑管領  
京國南枝欲見難銀沙撲面顛風搏  
我家亦在梅溪住未貌冰姿出手寒

壬申中秋後一日法梧門學士汪澣雲蔡浣霞兩儀部王  
子卿御史陳石士蔣秋吟兩編修同集玲瓏山館用岑  
嘉州過王判官西津所居韻

商氣入林薄夕陽亭館幽爰開三徑益得邀六客  
遊吟蟲響寒砌歸燕帶滄洲金颺空外起銀雲天際流  
簾開未覺暑簞棄早知秋深情託蜀絃壯懷帶吳鉤  
羣公皆俊英振衣出巖邱共通

同舍袂接深齋塵合揮轄投短巷車宜卸矮紙爭傳魚網辭雕

弧競挽烏號柘

春農工射

共看健筆馬班凌早見

恩榮劉白跨西掖臺符將欲徵東方車騎知爭迂杞梓俱爲梁  
杞材瓊瑜應長璵琚價最欣元理悟雜譚無事塵鞿虞馬罵華  
髮還嗟唐尙潛英姿試話喬初嫁書擅嘉芽好自珍句除蔬筍  
奚須詫施糲只恐捧心非趙曲宣甘東指罷邱遲剩錦那堪貽  
支機合向天孫借

春農有七夕振游仙體諸作最工

### 玲瓏山館小集和春農宮允韻

曲江波冷正旬休好倚高歌送藥秋酒似文雄能角勝花如人  
淡迴忘愁盞簪乍喜朋交洽轉轂還驚歲月流最是培才懷永  
叔感恩心跡說從頭

四海爭傳通德門玉堂試認舊巢痕韋侯業以經籙貴范氏家

惟寶硯存

殿上屏風佳句選省中磐石制詞尊塵囊愧我疎慵甚柱下陳  
編漫討論

答秋吟太史見贈之作三疊前韻

衣冠江國舊清華道故無嫌笑語譁蓬苑一官才自副芸香兩

世願

年除官郎署人咸借之

新詩好擬隋珠贈快語真疑并剪

加珍重苔牋頻往復祕思抽似轉纒車

殘客原非對敬容倉皇手版亦何庸箏瑟且洗人間耳冰炭應  
消我輩胸庭樹頻催風力緊江梅正憶雪條封多君近局招邀  
數翠金新看削紫峯

賀簡菴新擢宮贊四疊前韻

銅樓綰綬近承華

鳳紙新除喜氣譁腹藁龍門名最著頭廳鶴駕盼非除鑪添純  
火丹初熟梯躡層桃武已加自此巢痕仙苑穩不須曉馬羨行

車君本記名侍御

白璧襟懷振鸞容崇磨家世況書庸十年楮筆寧離手萬卷巾

箱早貯胸名紙乍分紅盤豔

館例得中贊司業後

印囊新拜紫

泥封

甲贊上日俱拜坊印

玉河東畔頻回首左股蓬萊又一峯

春坊署在玉河之東

與餘苑相望

### 賀聶京圃同年視學院江五疊前韻

節旄快擁出東華珠樹才多世早譁芝苑銜清名字貴梅根冶

古驛程賒峯連潛霍鄉情繫

潯山乃名南嶽

俗溯齊梁麗藻加最是度

淮風物好江雲爭拂使君車

蛾眉天半認山容絕勝欽寄厯上庸雲水光澄宜洗眼珠璣文



盤足開胸空羣定著飛黃目得歲應償卽墨封健指院棠頻噪  
鵲金鼃知轉幾層峯

答李蘭卿中翰六疊前韻

髫年對日富春華摘領科名世莫譴注籍雖違三島遠簪臺終  
傍五雲賒綠煙認處清班迴紅藥吟餘麗句加好向丹梯徐振  
步土牛休羨乞兒車

元亭問字記從容差喜衡才鑑未庸萬仞學山期駐足九天星  
海要羅胸陵茗夢繞重幃暝花鄂詩成尺素封蘭卿仲兄則元  
亦工於詩同出  
除期子雲津還奮鬣岱嵩一覽陋千峯

澣雲儀部招飲寓廬寫菊花圖有詩見示三疊前韻奉和  
名花如佳士蹤跡樂蕭散未要錦霞遮不嫌籬露滿君居最幽  
隱樹蔭垂繖自愛嘯歌便那顧造請緩平生擅三絕奇妙落

金閨籍若濟同川舟飄飄雲中鵠浩蕩沙上鷗願申歲寒約看  
菊尋籬頭

秋吟以尊甫東橋前輩入傳文苑詩見示卽和其韻

申轅服鄭去已遠後儒譚經日鄙淺郢書燕說苦併張閣束籤  
勝空萬卷微文碎義事摭拾乖隔支離未完善咫聞偶得妄自  
矜買櫝還珠知德鮮先生振步起禹航勤思服知徹幽顯龍威  
雞次盡搜羅博貫九鴻與千選行文磊落復雄駿香象渡河金  
翅展知幾三長擅史識師古劉昭供裁剪甄極典訓摛雅言齒  
冷小夫徒刻篆輶車曾乘到東冶珣玕珞洵能辨至今令子  
工文章下水制詞謝宛輓盛名傳世自有真豈在浮榮博僊遣  
願君寶此納楹書普照人天千手眼

贈馬秋菽前輩

西泠山水天下勝先生詩筆與之同  
巖怪石滴寒雨槎枒老  
檜搖霜風羊腸萬仞路詰曲蟻珠一線心玲瓏容臺翰墨古今  
少令我仰首瞻衡嵩

題梧門前輩掃葉亭圖卷

金飈動疎林木落萬峯紫翛然鳴空庭策策聲不已幽人正掩  
關丹黃紛滿几上下千古間意在造物始呼僮縛柴帚沿  
堦祀斜景上虛廊雲涼天似水焚香讀道經淪茗補詩史爲問  
奉誠園何如集賢里

梧門前輩招飲掃葉亭卽事賦呈簡菴同年

涼風起木末秋意何蕭疎得升君子堂竹石環修除丈室清無  
塵左右圖與書善氣迎須臾晡霽春風如趨庭有令子攜詞儷  
瓊琚行將入集賢繼美誇唐夫先生人中龍清譽徧石渠早挂

神武冠高躅。姚二疏。人生嬰世網。榮名苦牽拘。孰能謝塵鞅。往  
尋太古初。嗟余學道晚。仰望空踟躕。爲公歌短章。松吹方喧廬。  
壬申八月下泚子卿同年招同梧門浣雲秋吟集綠山草  
堂以詩見示率在原韻

京國羈名纒。意每在簡散。琴書樂素心。入座芝蘭滿。岑杜况連  
牆。雨訪漫持繖。隱几倚高柯。坐久衣帶緩。我友信人豪。文采照  
湘管。一官心跡清。萬斛庾塵斷。畫手逼倪黃。解衣槃礴袒。時復  
書換鵞。腕力過劉纂。開尊及清秋。卜晝晷未短。注甕有新醅。題  
襟皆舊款。名輩洛社儔。酒人高陽伴。政有花照簷。何必玉捧盃。  
一餉陋蚊聚。三眠愧蠶懶。側耳聽風林。柔條正修罕。

秋吟招同人集敦艮堂仍用王子卿綠山草堂燕集詩韻  
平生慕天游。巾屐便疎散。秋風洒然來。幽意林臯滿。丹楓漸染

脂青荷那卓繖此際來朋招倒衣曷敢緩文遊集簪珮雅飲謝  
絃管紆徐過巷柵詰曲越清斷拂席欣見迎卷講何用袒點暈  
尋舊法故訓閱新纂稍覺午陰沈未礙白日短一老最風流羣  
賢盡懇款枕麴學龍豪吹雲呼鶴伴沈雲子胸秋吟皆於席上作畫紛焉鬪徐  
鎗矣待瀹盧筮淳于一石醉東坡萬事懶請寫小築圖此會良  
亦罕

重九日招李鹿坪給事彭春農中允查簡菴贊善王小坡  
佟鏡塘兩編修集玲瓏山館看菊小飲八疊蔗字韻

秋原曉樹青於蔗如水涼煙羃高榭未須狂態學龍門卻慕游  
蹤似禽夏芙蓉爛漫莫攀江叢菊芬菲剛整架艾綬盟聯同歲  
曾絳紗學衍通門乍紫禁封章暫得閒銀臺下直俱乘暇酒膽  
還須笑螟蛉詩情未要尋歐歐博望槎浮怡隔河承明筆珥原

雙管董巨法猶存徐黃筆未斷好花復好客意肯左右袒信筆  
寫成圖天然謝雕纂苔石襯離離竹垣圍短短崢泓徑不掃寂  
歷門可款來往戴劉傳歌呼宗雷伴自可漉葛巾無事斟寶盃  
多病每耽閒習靜竟成懶何當錦幘裝此畫古今罕

和蘭卿李少溫烏石山摩崖碑歌九疊蔗字韻

閩游四載錫飫蔗萬峯青繞官齋榭職方版籍漫稽周霸國遺  
苗空溯夏翠靄城南自苑施蒼繚廡側誰締架孤頂幾人捫葛  
登穹碑倏見摩崖乍絕壑雲寒梵剎開祇園地古僧寮暇秦山  
傳刻欲陋斯汶長舊書從缺欵二十四字等題名一千餘年迅  
傳舍蠅書如撥紫苔封鳥翮還疑蒼岫卸銛鋒廉直似錐沙勁  
腕彎環真炙柘碧落蹤應韻籀追紫鈿蹟本黨趙跨不須鬼哭  
鄂州驚如見龍文大茅迓寶同栢鼎信無雙揚比蘭亭寧有價

白鶴山房詩鈔卷七終  
奇觚自可小生矜虛造詎教鄉壁寫筆花舞軼鳳鸞騫墨態冶  
爭嬾嬾嫁未斫蛟鼉最可珍偶畱鱗甲真堪詫空齋螭隱跡如  
新座客馬喧觀未罷虹輝燦爛快吾廬奇書不用龍威借

白鶴山房詩鈔卷七終

白鶴山房詩鈔卷八

歸安葉紹本仁甫

古今體詩三十六首

九月十九日石士同年招陪梧門前輩及諸同人集太乙舟小飲余以病未赴四疊子卿韻奉柬

平生麋鹿性一往愛樗散每苦塵網侵難挽強弓滿適意惟緇  
繩榮身豈珂繖頗愛王湛癡誰識謝安緩北郭有詩翁騷壇仰  
微管元音鐘呂發妙悟根塵斷衆材所皈依望風甘肉袒清秋  
高會始雅集盛名纂佳客亦何多辛迂兼李短繫余况通門褰  
裳亟叩款何意蒲柳姿遽睽猿鶴伴未飲長桑漿空羨抱朴盃  
湖海讓君豪簪髻志余嬾七發幸摛詞君文世所罕

偕秋吟簡菴訪相者不值又疊前韻柬簡菴



何人堪令僕委卿自貢散相形不如心奚必田字滿君本鉞鏤  
家列牧雄麾繖共羨衣帽醇豈徒裘帶緩文章榮禁闥瑤玕珥  
赤管過目眉應長監指理寧斷台輔可拾級那用臂志袒子况  
耽巾箱矻矻一編纂香誇班馬濃牆欲劉李短行看食肉飛何  
須祿眼款舉肥正有儔鳴雌安得伴漢許負卦吾面只如樸此  
骨或隆盤未若觀我生巾屨習疎嬾至哉吉人言此術諒今罕

又疊前韻東秋吟

夜半觀台星姬人怨服散人生得失懷隴蜀幾時滿入座四照  
花排空七寶繖苟得住世緣六盤俱可緩與子官承明生事付  
湘管蓬山一水間迴與外人斷儘可樂歌呼無事嗤裼袒蘭臺  
諒通明學堂恣輯纂奚必馮勤長那謂李詢短姑布亦何知茅  
通曷須款惟當鶴骨侶且結虎頭伴君工畫故云大隱學金門牛酣

醉玉梳鬢莫教剝肌肉任從嬾僂指

泰壇郊好爲頌

雲罕

與同人唱和用蔗字韻已九疊矣鄂帆從子小能彌甥皆  
健於詩者復十疊前韻以示之

詩情濃似初壓蔗四壁朋筵繞高榭已看寒鳥欲號冬猶憶吟  
蟲曾語夏心兵撥觸那禁持意匠經營非締架針孔搜來變幻  
頻丹砂擲去迷離乍石友青松正結盟冰銜紫纈原多暇雕龍  
辨口問呬牙走馬詩懷黜歐歎七十二變女媧身八萬四千阿  
育舍湧地毘羅界孰尋摩空彌戾輪寧卸清響真絙孤嶺桐綠  
絲疑飼山園柘逸興裴王賞不虛聯吟皮陸名誰跨妙語還教  
玉合逢奇思似有珠船逐仙客從誇鳳嶠然買胡定眩貓睛價

搖毫頗覺鬼神驚  
婉壁寧嫌市兒罵  
田成調合自同聲  
邢尹妍爭非衍嫁  
信手煙雲世莫譁  
娛心金石原堪詫  
螯白風流外氏存  
竹林志節清吟罷  
爾曹亦足張吾軍  
馬當風看雲帆借

胡墨莊太史

承珙

見題拙集答和原韻

學詩如學山巔頂  
豈易到五際合天行  
研微孰探奧羣響競爭鳴  
蜩蟬偕聒噪皇苓及巴人驕志或長傲  
繫余少耽吟古意著襟抱騷壇角偏師誰建後  
猊轟強弩空蹶張輕未穿魯縞荒三十年齒髮幸未耄  
承明忝紆紳清廟慙奉瑄畫樣學壺盧枯藥那沃膏  
調言與長語安得爪爬搔之子曠代才筆陣快一掃  
好古探皇初塊拊聽武彙沿波必討源治河積石導  
壁壘樹堂堂嗤彼竊負眊胡爲嘆榛蕪望古中心悼  
嗜痂乃到我昌歟有癖好佳句中靜鐘衆作枉叫號  
盤空硬語撐戛戛盡獨造敦盤

試狎主宋鼎定納郤后言喻蚓投早快嘉魚報

敦艮堂消寒第二集觀秋吟所藏杭厲諸先生手蹟

觀書從來比窺日目眩古今多著述搖襞虛勞九萬廢誰是典  
裁兼藻密紛紛僉父刻詒癡要僕數之未能悉人日鳥鵲蹲鴟  
羊深夜徹燭路如漆嘉君四座列古懽梨几縹緗供擁膝江鄉  
先達故紙多一一標題羅甲乙披緘如對百年人觴詠風流盈  
卷帙退直况當朔吹寒楫柑圍鑪烘暖室豪吟白戰學聚星卻  
似潁州逢六一蠡文蠓扁復探奇太史龍門蒐放佚我慚柳亞  
未能知安敢拈毫重品隲殘煤敗紙古意存如操鳴廉絙娥瑟  
夏會如斯豈易逢羶帽過關七賢七座中恰散髻斜簪故自佳  
一室天游聊誕逸金樽百罰那須辭甕畔捉得吏部畢巾箱世  
學故推君竣也由來得臣筆

賀左田新遷講學卽用賀子卿同年除御史韻

朱絲比直玉壺清一代嚴徐筆最精承

詔新勤雙隻直著書早擅古今名十聯句好吟誰及三篋儲多  
叩必鳴早晚華簪映龍尾青燄合向

御街行

大玲瓏山館消寒第三集梧門學士出示所藏順治壬辰  
乙未戊戌三科進士履歷輒作長歌題其後

梧門先生雅嗜古奇書蠹簡無不搜衝塞車騎忽過我示我陳  
帙光盈眸名經千佛羅祕冊三科藥榜羣材收順治壬辰越戊  
戌里居甲第詳部州英雄入彀千二百一一標注某水邱出何  
經房系何氏細字件繫如蠅頭護兒之兒蘇瓊子亦有家學承  
箕裘簡長盈尺博四寸麻沙版樣梨棗鏤高昇書肆志新刻紅

箋色黯猶風流

面頁用紅紙色尚未澀故云

憶昔

先皇勅洪業威憺薄海來共球武功既輝文治盛鶴書鳳詔馳

遐陬登揚往往得奇傑外爲方召中伊周卽如此編志姓氏范

忠貞

文正

湯偉望誰與侔其他公輔盡碩器黃崗

宗伯

孝感

相國

推

殊尤

漁洋老人況詞伯後先韓鄂葩華抽

西樵

王辰

試

漁洋

乙未

中

式戌戎殿試

流傳有數信非偶明德要使輝千秋紫陽信國兩名錄

後人

珍惜同琳璆古今賢哲總一轍那能軒輊均鈇鉤年年雁

塔數

百輩孰似此帙名炳彪願公珍重緘藤笈虹氣夜夜徹斗

牛

### 周忠毅公玉印歌

名印之制何所昉傳自疾已司馬昌釘形匾式厥狀異以識圖  
籍傳芬芳此印雙鉤碾蒼玉何年篆刻如陳騫季侯兩字認詰

屈庚庚翠琬生精光昔者臨濠將委馭天教闔豎操乾綱羣奸  
構禍起鉤黨盡排正士鋤忠良蠅營犬噬罪猶小何借羅織隳  
封疆先生發憤書白簡欲誅蠹賊清天闔誰知曹社早謀鬼癡  
兒難了悲孱王乞髡環泣恣簪鼓茄花欲溷宮花香凶鋒一觸  
果難遏義兒黃閣甘飛章莫宏竟碧洛陽血哀哉黑獄填沙黃  
千秋婦孺有餘痛誰令卷舌司星芒此印隨公幾年所丹心浩  
氣日月旁當日西臺起屬草筆牀硯匣環纒囊印猶及見公裂  
眦繩愆鐵篆同直剛明初賜臺臣印文曰繩愆糾謬文孫七世緬手澤何幸得  
此來南荒印得自滇南忠貞遺跡故不泯嵇衣段笏偕珍藏嗟爾雲  
初勿盡傷子孫永瑤世用慶雞鳴之硯鐵如意共此不朽垂文  
房悅生小印鈴山記愧殺奸諛姓氏揚

子卿同年爲我作畫並系以詩適以小極未得和也先賦

此詩爲謝且答來詩之意

鄭公絕藝誇今古妙手惟君最擅場姓氏定留文苑傳科名早  
重祕書耶莫嫌下直妨三昧學士退直上馬爲大三昧小三見  
說凝神得兩忘多謝煙雲貽滿幅臥遊快我到溪堂

仿漢建初銅尺歌呈翁覃溪太夫子

都良娥筦不可見後世尺夔徒紛紜自周迄宋等十七長短強  
弱殊毫分漢銅斛尺及建武與晉前尺無少塵校周玉律正脗  
合出土無待田夫耘此尺年紀建初造章皇繼治恢洪勳去世  
祖代尙未遠主衣尺度齊綱緝我聞肅宗好儒術扶進微學稽  
皇墳石渠臨制決同異衣冠文質區猶薰月令迎氣樂新作定  
考鐘律谷截質爰布中指制尋引璣衡上應規天文箕城古邑  
畿外地寶鼎氣出臨河汾大陵冶近工鼓鞴赤精騰躍朱火斨



白鶴山房詩集

題方鐵船同年詩藥

秋蟲寒夜苦吟聲  
骭髒由來意不平  
投老一官真落拓  
拈毫萬卷自縱橫  
巖巒迴薄藏崖窵  
煙靄蕭疎見性情  
誰訪城中玉川子  
數間破屋鎮淒清

詩國陳芳境自多未應雕琢損天和叱羊山色原僊界捫蝨功

名付醉哦真，有高懷師賈孟可無秀句換陰何霓裳共詠聯同籍愧我陽阿漫學歌

東陳石士同年卽題其集

西江水清石齒齒迴巒復岫青相抵川原融衍出才人健筆盤

擎空壁壘太邱舊德本世承星聚千秋軼羣紀陳留太守古龔

黃爲政尤能畧鞭箠謂尊甫太守翁遂令厚澤鍾於君風翮霜蹄爭媲

美修門三策射天人科第聯翩掇青紫星軺一出採王風人謂

榮逾畫錦里君戌秋主試汴中歸來館直望益尊彪固談遷同所儼憶

我初識杜陵面推十合一纔舉士立談杵臼便傾心故交還溯

崔孔始任太守翁與先子同任兵曹交最深明年春榜復同登朶殿詞頭分筆珥

槐廳譚藝日切磋肯以淫哇廢宮徵露初星晚置近局談笑茗

柯皆至理蘇程况復託親串謝氏諸郎皆駮耳謂君從子希良余姪之夫也

湛蘭之醢日芬馨以膠投漆意何似竭來契闊動經年一笑雲  
龍仍合軌我慙泉山忝持節披榛知采幾蘭芷八纒未敢羨閩  
絲但稟鏡煙記微旨閩學使署有鏡煙堂紀晚嵐協揆所題取人動如煙我靜若鏡之意君因請  
急事幽討楚水吳山踏雙履江山益助筆雄奇麗句如披鄭南  
毗嗟余廢學吹澀竿才華欲盡江郎綺讀君詩一快破顏敢對  
黃鸝矜爪嘴東坡雙井一代豪七百年來今已矣強將爨弄學  
工歌鐵石朱繇吁可恥期君祖社振宗風閉門覓句陳無已

覃溪先生招集蘇齋作東坡生日觀所藏天際烏雲帖真

本及吳荷屋前輩所得蔡君謨茶錄初揭敬賦長句

不見髯翁八百年蘇齋先生生北燕鴻文鉅筆照宇宙要搜墨  
妙紛題箋烏雲紅日夢中語詩老點筆華光禪錢塘通守復好  
事爲書矮紙花豪妍後先輝映兩賢筆至今光采留山川鬪茶

龍井事韻絕壑源新焙曾烹煎蒲陽刻石細評品斷紋久蝕苔  
花鮮是何因緣巧作合武林里熟搗麝煙楓亭真本恍復見卓  
哉侍御工討研謂荷屋前以儷守居閣三絕如合遇蓋琮璜聯長  
帽翁與壺山叟地下一笑應颺然我生早學坡公詩未與蘇齋  
生日筵招邀何幸乃及走玉堂羣彥皆差肩看詩摹帖味雋旨  
如啜奇薈清饒涎西泠湖水我鄉井持節況到閩嶺巔月團風  
味快領畧兩腋習習僊乎僊公今聲名跨二老八十腰腳猶輕  
便眠蠶細字暝能寫森森鐵石松枝堅嘉泰鏤本得故紙瓣香  
已慰坡生前復從百衲補殘字忠惠願亦償三天千秋三絕傳  
藝苑後有作者誰能先清泉香餅願供養天星朗朗明奎躔

覃溪先生命題所藏元人飛鳴宿食雁圖

閒齋題品溯吳興尺幘真傳繪事能蘆雪揮毫追處士

宋高郵  
陳處士

畫雁見東坡集  
菰田得句重高僧  
元端師題此畫有菰米秋田之句  
寒枝揀盡江湖晚

蔓藻牽餘飲啄勝  
試向瀟湘看逸態  
蒼茫雲水影繩繩

八字行分步屈斜  
誰窺企踵傍圓沙  
休疑粉墨迷真本  
早見雲煙閱歲華  
點染莫訛防禦交  
鑒藏定屬老坡家  
荅川舊隱頻振觸  
剩欲從公展畫叉

贈曹大良甫卽次其韻

七百驪珠快乍投  
瑤卮爛漫照瓊舟  
通材同輩無全目  
了義分明截衆流  
天上星精騰虎脊  
海旁雲氣躡鰲頭  
長安挾策休惆悵  
春草吟成付主謳

吹澀寒竿濫一官  
多君猶作識途看  
頭銜欲換方州節  
口語還存柱史冠  
名世文章行自愧  
濟時材業古來難  
眼中麟角無如子  
好向青真刷羽翰

縹緲鸞輪御氣行春風廣座見王衡洛中自就三都賦鄴下爭  
傳八斗名墨瀋淋漓衫袖汚筆花噴薄雨風生詞場勝業依然  
在試問昆邪第一程

襟期磊落送高鴻寶璞寧嫌玷翳蒙白雪聽歌懷古郢朱樓對  
酒憶新豐剪翎莫賦籠中鳥踣鐵應思塞上驄曾向越來溪畔  
住與君同話蠟燈紅

壽劉浣溪先生

古文之學久不振近世最數桐城方姬傳姚叟復繼起紆徐雋  
折如歐陽陳君碩士叟高足奇氣入紙清而蒼承明染翰推巨  
手齋頭玉冊排琳琅居閒忽念布衣侶元城有冑傳青箱長沙  
弱冠正年少驂騑開道蛟螭翔山林臺閣各樹幟詞壇壁壘遙  
相當因言學必有所受鳳雛驥子非尋常寶田之澤溯厥祖浣

溪一集珍江鄉尤工作詩探風始梅花百詠含芬芳牆東石隱  
表高節龍眠山色憑徜徉小園花木盡峭蒨藏春之塢逍遙堂  
韜蹤岩穴老不悔等身著述輕軒裳文孫郝下好調護含飴終  
歲荃蘭香以茲養志抱貞一空山日月蓬壺長卽今年初耳順  
屆面黎髮鶴瞳青光讀書好古宜壽考椿齡自此彌康彊練潭  
清與瀟嶽秀供翁採木糜瓊煖文章一事足千古况復駐景迎  
嘉祥我守一官傍金馬武夷未得飛霞觴陳君與我相得厚打  
門屢索皇琴章因君作詩報劉子少微南望星煌煌

石士用王荆公集土山詩韻見贈次韻奉答

人生苦自蔽察眉不見睫未乘橫海船乃詡浮溪艤嵩華何高  
高幾人肯登涉黃河孰探源支流尋馬頰悠悠天地間書策乃  
徒挾之子人中豪綠字祕瓊笈吐詞析雲絲造語穿月窟長嘯

盱江邊自儲不朽業讀書五車計灑翰萬箋輒探古逮皇初祖  
語窺浩劫諸子百家流殺饌佐餉醴醢釀出光華三日恍成盤  
詞場掉鞅游文戰血屢喋筆疑補元功造化若可變每爲出林  
鶻毋作黏藥蝶千軍自能掃百怪真可厭牛耳執騷壇君又大  
報捷嗟余羸弱卒見敵常若怯字猶誤金根句敢鏤玉牒雙聲  
偶自辨八病總難愜如以坳堂芥欲擎鐵船檣櫓聊自固榆  
塞那橫堞招涼本無珠迨暑但持簞所得惟筌蹄疇能剪枝葉  
細字傳蠶眠雲孫空帖帖抗懷千載上先哲誰可接喜子結同  
心製錦乃盈篋廣衢振高步弗效織趾跼並馬馳長楸君戀遠  
騰蹠嘔啞里耳中忽見孤管撇紫芝齋房供金莖朝露汜良庖  
列八珍雪鮓粲玉筵梨渦嬌一笑天然露微靨書城築長安所  
夕苦漁獵只知陳編擁那顧華綬躋豈無褊穢人靜思等夢歷



新詩聊自娛硬語逾安帖已簪倚馬筆詎彈無魚鉞制行各兢  
兢襟懷高集衆戰勝自貌肥樂具詎情慄學登山萬仞那畫水  
三摺自爲驚座陳敢誇望歲葉往者竹汀翁水鏡物望協探驪  
入其室稍得見鱗鬣異書披古邱中有金刀鑷道山惜已香霞  
衣苦難攝蘇齋接龍門復見誨帖囑老罷當道臥貉子盡魂懾  
與子幸同游與義得間謀君爲賁孟勇那羨朱郭俠廬陵與臨  
川前軌定能躡險語聊繼聲余口張不啻

偕石士論詩仍用前韻奉柬

吾聞莊子言德心戒有隄學海無窮波誰能泛輕艤津梁古人  
具未必病徒涉要在內養充丹砂浮兩頰壯志干雲霄唼峒長  
劍挾讀書棄糟粕不在事籍笈欲觀盤礴裸英雄乃駢脅奮臂  
起徒步亦致絳灌業思緒通微茫八荒俄頃輒修成圓覺果乃

不壞歷劫擔糧自充饑無待野行饒瑣骨鍊九還琴心奏三疊  
得意總忘言何人敢喋喋吁嗟此道尊功行比調變列子泠泠  
風漆園栩栩蝶苟其得至諦衆美誰不厭拔幟欲攻堅乘機莫  
鬪捷常聞至人訓大勇常若怯與子託交親覃思探往牒觀書  
眼如月歷論少所愜銀河接蒼茫放棹理仙槎軒臺尋故基高  
築太古堞冥搜忘朝昏寒暑廢鑑鑑枯木發春華狂花刪病葉  
欲繙化玉書非玩碎金帖西行執丹漆夢寐羣賢接春明盍朋  
簪遺書識亡篋鸞飛各刺天不比凡鳥貼聲名自騰蹕聞風看  
足蹠天際識朱絲鐵笛李暮壓藝圃擷膏薌精腴自厭澁一瓣  
已味足何用窮七袂好競施嬌聲詎如尹邢齟脫帽或狂呼耳  
後風獵獵九衢紛交轍每恐君綏蹤得句輒高吟喜劇眠多厭  
美人裁素絲細意妙熨帖將鑲玲瓏珮彌淬芙蓉鈇錯兩構凌

雲百常真岌嶸三鼓氣莫衰十盪志寧懔有若應侯骨渾不畏  
折摺自杜韓及今傳世凡幾葉空誇壁壘張未得笙鏞協越人  
多僭耳楚俗少長鬚或類新婦行陝輸鬢自鑷是皆四禪縛尙  
未一切攝嗟余欲放言每愧語嚅囁拔劍秦舞陽目動氣先懾  
崎嶇萬軍中謬欲通一謀期子絕世姿相與誦佳俠短兵欲相  
交丸影看虛躡願記雪巢語不動誰能嚼

三月十二日陳鍾溪前輩招同潘芝軒尙書劉芙初董琴  
南謝向亭陳石士饒晴香諸編修陳鞠存司馬朱野雲  
山人暨伯兄琴柯同遊萬柳堂

長安三月春風輕棠梨花發槐芽青黃埃漲天日堀堞那得勝  
地湔塵纓新城侍郎雅好古臺閣性乃耽林扃城東泉石有遺  
跡柳絲新漾垂天星招呼勝侶共攜具小車輕轆行溝阮煙郊

一望但平壤李花已謝桃花醒燕臺春色來最晚  
凌隴尚未新芒盈招提忽露叢薄外金像庵剝苔  
龕平殘僧三五坐堦蝨雲堂冷落鐘無聲隔林  
雉堞隱復見蕭疎意似來江亭登樓歷歷訪題  
壁天書雲篆明橫庚平陂坐眺十萬頃方哇如  
劉羅縱橫想當六月新雨漲蒲葦戟戟搖沙汀  
空明恍具雲水趣無怪綠野忙經營此堂興廢  
閱百載後人周覽空怛怛益都遠紹康孟予譬  
如謝傳墩畱名新荷曲已遜疇曩浴鳥誰復窺  
簾旌眼前盛事一彈指但有佛火畱青熒漕司  
畱題倍超絕補柳功付丹邱生謂朱堃懸知一  
簣定成阜會見翠縷干霄埓後之視今亦如昔  
永和修禊陳圖經畱連茗椀未覺暮落日已謝  
西山陘

題南昌陳恕堂先生故園圖

紅藕搖香花在水點點樓臺映清泚是何幽築出塵寰不羨雕

藁永寧里太邱之澤百世長興酣托跡營滄浪鄭莊置驛愛賓  
客豈爲水石搜巖岡百年電影何飄忽曼卿早返芙蓉闕只餘  
喬木榦參天鳳穴鵲巢氣醺醇名園半圯付流塵門闕愈高官  
愈貧蕙櫨蘿磴藏曲折但有雲月知前因燕臺老仙班馬手掄  
才曾到章江口花源初訪未迷津再至雲山已無有搏沙人事  
迭推遷八十祁公猶少年不因程雪譚經暇那得仇池作記傳  
夢痕重湖空江榜火急亡逋摹想像荆關老筆妙斫鉤貌出風  
亭接雲幌標題八字燦簷楹墜翻書成山鳥驚從此葛峰梅嶺  
外又畱遺蹟濯嬰城耳鳴陰德誠難及帶草萑生露猶溼我忝  
劉盧締近姻仰首高山空佇立主人才調今嚴徐中書落筆詞  
瓊琚何當重構輞川宅椒園莫泝真相於

旬日不晤石土以詩戲柬

翰林溼薪焚爆竹古巷吟聲出蘿屋一日不見抵三秋陳子清  
才果如玉煌煌天網開文昌雙星照耀使乘光蠅頭作書日千  
紙笑比舉子槐花忙我慚迂緩百不事且對春花謀一醉汗青  
堆案難掣身畫諾祇應識金字墨水可飲行當隨敢期隔簾香  
散絲紫荷橐筆已有日看我西抹東塗時

題朝鮮使臣詩冊爲翁星源茂才

淡雲微雨來東國展卷知爲磊落人三水煙波縈客夢千堦明  
月映前身

化覃鯁序真無外集播雞林定有因卻羨超宗原得鳳新詩著  
手自生春

書吳蘭雪同年武彝詩後

我昔南游踰建陽火維地僻雄蠻荒巖巒篳竹互虧蔽青崖丹

壁森相望奔雲飛雨變歎忽石角穿破天蒼茫頗疑神禹未疏  
鑿坐令地脈紛撐搪穹巖絕壑人不到仙靈於此來潛藏乾魚  
一片武夷祀幔亭合樂彈笙簧虹橋天半不可接九溪流水聲  
湯湯遂教異代嗜奇客裏糧躡屐忘跋跣冲佑宮高垂鐵鎖洞  
天勝地琪花香紫溪烏石恣遊歷冰芽雪腳評旗槍東鄉吳生  
本才子奇句往往諧歸昌竭來講學效安定驚湖草碧侵書堂  
幽尋徑度分水嶺隱屏天柱窺青蒼楊枝嬌小況同往眉黛欲  
奪仙峯長董娘坎篴荷香鼓似與太姥誇形相新詩示我倍奇  
絕融結山翠凝霞光我生結習愛山水每到佳處頻徜徉簡書  
行部苦束縛咫尺愧未昇筍將山靈應亦笑我俗至今魂夢猶  
徬徨余昔按試建寧距武夷百里許以非驛路所經恐疲輿從竟不及遊長安軟紅日吹面對此  
益令神飛揚人生佳境那易到石髓漫自求嵇康

永樂大典餘紙歌爲覃溪先生作

奎光下燭通德鄉古藤搗玉明於霜開函寶氣爛盈几中有萬軸籤勝香繁昔

先皇盛文治

泰階耀朗開明堂邛笮旣平三革偃遂啓廣內儲琳瑯縹囊首稽勝國籍鉅編哀輯傳燕王仍孫七世復重錄白州刺史肌截肪敲冰碾雪畫邊準欲與益紙爭低昂

詔遣儒臣載審定側理億番紬研光辨正訛謬補殘缺蘭函鈺本超瓊箱校成副墨恭進

御乙夜

披覽嘉精良爰

頒珍賚示光寵卷尾餘幅空界行虛柔瑩膩完且好開門祇受



同璆璜是時先生官祕校槐廳巨手推常楊攜歸蘇齋敬什襲  
淋漓筆陣馳風檣明璣光綯二百字玉堂掌故增輝煌朱衣院  
吏尙能說翰墨輝映堂陰桑從來殊遇古亦有所貴譽望恒相  
當公之述作冠當代嚴徐崔蔡疇能方固宜此紙供趨轡舊芽  
墨法齊鍾張密香萬幅賜杜預當年異數誇太康豈如此紙足  
珍祕海苔魚網慙粃糠同時拜賜十百輩巾箱遺墨嗟半荒惟  
公碩果獨健在青瞳奕奕神明強展觀數四起三歎  
盛朝文物斗戴筐靈樁坊南歲星朗瑤箋玉篋千秋長

和吳淵穎題錢舜舉張麗華侍女汲井圖

箭虬曉吼銅壺急碧瓦朝涼露盤溼銀罌玉手素絲垂美人如  
花倚花立紅韉紺袖百媚生後宮下女猶傾城卷衣不隔珠簾  
影吹葉微聞玉樹聲高臺草覆黃塵膩繡襦空照雞鳴埭月華

門外霧沈沈愁見江濤飄木柿墜上封章決未終玉波蓮影恨  
西風濁泥一尺臙脂水廢爇年年花白紅

初夏家雨輟明府招同茹古香前輩陳荔峯汪聽舫兩同  
年集陶然亭小飲得五言二首

幽絕城南路孤亭帶晚暉簷風吹綠漲林雨潤紅肥殘日明金  
像微涼透衿衣雞缸應薄醉徒倚漫言歸

會合誠難得譚諧故不厭精廬開淨界曲院敞虛簾鄉語吟飲  
共珍廚南北兼憑誰圖雅集名氏紀吳縑

題堊雲所畫萬柳堂圖

蘿萌彌岸芽白灑灑春流盪晴日百年花木溯平原煙縷千  
條漾新碧雛鶯啼樹王鳩鳴長安三月春風輕崇文門外徑幽  
僻小車尙憶尋煙局幾曲陂池山一簣孤亭想見遺蹤在開簾

野鳥尙窺人雉堞參差雲影外高臺曲池半已荒那從酬唱說  
朱王臥鐘冷落松門寂祇有山僧話夕陽鶴翎欲墮苔龜靜童  
子關門塵事屏井華無水灌春畦廢圃猶懸轆轤縷東山褻屐  
廣招邀樓指承平盛事遙眼底諸公看繼起廬陵山翠廣陵潮  
我隨鞍馬諸君後舊夢新情莽回首江湖但觸故園思如鏡平  
湖萬株柳粉本新摹付輞川益都遺跡故依然新荷驟雨玲瓏  
曲試問鷗波翰墨緣

### 太學石鼓歌

天文屈曲觀奎星史皇作字能通靈吉金樂石遞流衍爰書穗  
篆紛殊形劫火風輪閱時代玉府誰記靈蘭銘刻文於石尤易  
毀雲根空蝕苔花青偉哉神物獨不朽陳倉寶氣騰蒼冥始棄  
于野繼置廟文章爾疋儕六經秀弓彤矢適原隰繁勒驛驛驚

雷霆悉彼淖淵汙汙繇之鱗鱗魴腥天子來嗣振復古棨  
戟以奕皆來庭憲憲文武可其一鳧旌陰羽追前聖告于太祝  
帝嘗享鼎鬲明德徵維馨煌煌二百四十字如日月曜常晶熒  
鄭潘施薛費攷辨至今始定甲與丁戟門左右儼排列千載長  
此輝朱櫺我聞古文多蚪蚪敦彝字半參蠃蜒散氏盤要幼衣  
斧雷回之篆同鼎鉶此鼓字體獨一變虹紳瓊樹超畦町九千  
字實溯原始鸞鸞鳳翥畱典刑汝南祭酒每援證豈若斯篆輝  
微螢後人鑿空逞臆說紛紛疑詰淆渭涇豈知此物亘千古與  
泰元壽齊晨暝蒼靈要扶道術古存此法物示鼓棹孔子西行  
未秦入缺陷怡補光廟庭方今

聖人正御世金鏤玉版浮赤萍重排十鼓仰

宸製後先一揆聖四溟小臣幸效簪筆職敢誇識字知豹麤濡

豪聊繼愈軾作墨光映戶蘋雪停

白鶴山房詩鈔卷八終